

眷親友相顧失色禁壇既畢道明持劍水詣房內外噴水除穢  
疾士曰請尊師就此噴水可否道明就臥內噴之忽然起坐稽  
首頂禮曰深謝神功我疾有瘳矣乃求衣命几隱坐而喜曰一  
生錯用心不知有大道今日方荷天兵之力也徐與親友妻子  
言曰我初困頓絕甚謂今夕死矣尊師開道場之時都不醒悟  
但聞空中有言大帝下降領天兵討逆如是卽黃光如日照灼  
遠近卽見千乘萬騎天兵神將圍繞此宅鬼物邪怪並已擒縛  
去矣方見大帝太一乘七寶車對行前引侍衛儀仗如人間帝  
王忽令召某至太一前令神以水噴面清涼徹心無復痛楚但  
氣稍羸爾卽云元始下降乃見大帝太一對望迎拜隊仗倍於  
道藏輯要

雲笈七籤

卷六

井集六

前百倍多矣元始天尊有光一道下照某身今則氣力亦似勝  
任矣速備盥洗自要臨拜壇前親友尙恐其未任勸俟來日懇  
要盥漱更衣扶杖而立良久捨杖而行便於拜跪數四家人扶  
策揮手拒之因坐觀法事素若無疾飲食氣力遂巡如常自是  
三日齋壇炷香虔對略無暫替乃獨修創玉芝觀講堂大殿三  
門通廊齋廚道院前及官河開街廣四十餘步土木之用像設  
之製牀機器皿服玩庖廚凡計錢數百萬二年之內畢周備焉  
自茲氣爽神清智識明敏乃乞解所職養道閒居

相國杜幽公修黃籙齋免閻羅王驗

相國杜幽公幼履顯榮厯居大任名藩重鎮皆再領之年九十

餘薨於荆渚是夕中使楊魯周自五嶺使迴止於傳舍一更之後風勢可懼敲磕擊觸若兵甲之聲人人股慄莫知所以魯周駟騎所倦尋亦成寐四衢之內師旅充斥不通人行問其故皆曰迎闇羅王今夜四更去又問王是何人曰此州大將官高年長者是既覺召驛吏問之時公不愈半月矣官高年長首冠衆人疑其必有薨變是夕四更果去世矣魯周話此事於儕友間自是京師亦有知者明年春女妓間有暴殯而蘇傳公之命云我今居閩羅之任要作十壇黃籙道場以希退免令送錢二萬圖幕各二百事於開元觀古柏院詣沖真大師胡紫陽嚴修齋法齋畢前傳命之妓復暴殞如初云我已奉上帝之命爲他道藏輯要

雲笈七籤

堯

井集六  
卷之七

國之王免冥官之任矣言罪福之報信如影響不可不戒也凡修黃籙道場表奏上帝上帝降命無所不可

南康王韋皋修黃籙道場驗

太尉中書令南康王韋皋節制成都於萬里橋隔江創置新南市發掘墳墓開拓通街水之南岸人逾萬戶廈閣連屬宏麗爲一時之盛然每至昏暝則人多驚悸投礮擲石鬼哭嗚咽其喪失墳隴平剗墟墓無所告訴故俗謂之虛耗焉居既不安市亦不甚完葺韋公知之請道流置黃籙道場精伸懲謝至第三日鬼哭之聲頓息居人亦安韋公夢神人曰所營南市開發墳塚使幽鬼之類失其所居喪其骸骨相與悲怨幾爲分野之